

OBILJEŽAVANJE SVJETSKOG DANA GIS-A U SREDNJOJ GRAĐEVINSKO-GEODETSKOJ ŠKOLI U SARAJEVU

Povodom obilježavanja Svjetskog dana GIS-a, 20. 11. 2024. godine, Aktiv geodeta i Geoinfo sekcija Srednje građevinsko-geodetske škole u Sarajevu organizovali su edukativno predavanje koje je privuklo veliki broj učenika i profesora. Svjetski dan GIS-a, koji se obilježava svake godine treću srijedu u mjesecu novembru, već dugi niz godina počev od 1999. godine, a posvećen je važnosti GIS-a u modernom društvu, njegovoj primjeni u različitim industrijama, te njegovoj ulozi u zaštiti okoliša, urbanističkom planiranju, kao i u geodeziji i građevinarstvu. Bila je to prilika za edukaciju i promociju primjene geoinformacionih sistema kao alata za prikupljanje, pohranjivanje, upravljanje, povezivanje, analizu i predstavljanje prostornih podataka u različitim oblastima.

Uvaženi gost Srednje-građevinsko geodetske škole (SGGŠ) u Sarajevu bio je prof. dr. Nusret Drešković, redovni profesor na Univerzitetu u Sarajevu i dekan Prirodno-matematičkog fakulteta Univerziteta u Sarajevu, koji je održao predavanje na temu "Geoinformativne tehnologije i prirodne nepogode".



Slika 1. Prof. dr. Nusret Drešković prilikom predavanja.

Svečanom obilježavanju prisustvovali su uvaženi doc. dr. Adis Hamzić, dipl. ing. geodezije i Nedim Kulo, ma. geod. - dipl. ing. geodezije sa Građevinskog fakulteta Univerziteta u Sarajevu, uvaženi direktor SGGŠ škole Asmir Demir, prof., uvažene profesorice Enisa Kuljuh i Zonja Hodžić, uvažene kolegice i kolege profesori naše škole.

Predavanje je bilo veoma korisno i inspirativno za sve prisutne, a posebno za učenike SGGŠ. Kroz predavanje prof. dr. Dreškovića, učenici su imali priliku steći nova znanja, upoznati se s važnosti GIS tehnologije u svakodnevnom životu, kao i prepoznati njegovu ključnu ulogu u budućim izazovima u geodeziji i građevinskoj industriji. Ovaj događaj nije samo podsjetnik na snagu tehnologije u oblikovanju svijeta oko nas, već i na važnost obrazovanja i pripreme mladih stručnjaka za globalne izazove koje pred nas donosi budućnost.

Svjetski dan GIS-a je značajan korak u popularizaciji ove tehnologije, koja je postala neizostavan dio svakodnevnog života, a Srednja građevinsko-geodetska škola nastavlja biti važna karika u obrazovanju novih generacija geodetskih stručnjaka u Sarajevu, a i šire.

Zahvaljujemo se našim uvažanim gostima koji su svojim prisustvom uveličali svečano obilježavanje Svjetskog dana GIS-a. Također, zahvaljujemo se direktoru škole Demir Asmiru na posvećenosti unaprjeđenju kvaliteta obrazovanja i nadamo se da ćemo i ubuduće zajednički raditi na promociji i razvoju GIS tehnologija.



Slika 2. Prisutni profesori i učenici sa zanimanjem prate predavanje prof. dr. Dreškovića



Slika 3. Profesori SGGŠ sa gostima: Irfan Kereš, Šida Vrce, Zonja Hodžić, Dženana Mahmutagić, prof. dr. Nusret Drešković, direktor Asmir Demir, Nedim Kulo, Enisa Kuljuh, doc. dr. Adis Hamzić, Edis Malanović, Elma Grabovica, zamjenik direktora Mirzet Čolpa